

盟威經後凡存思者急宜憶之故標出如左

上最三行

行無為 行柔弱 行守雌勿先動

中最佳三行

行無名 行清靜 行諸善

下最佳三行

行無欲 行知止足 行推讓

一者不殺二者不盜三者不淫此三事屬身業

一者不妄言二者不綺語三者不兩舌四者不惡口此四事屬口業

一者不嫉妬二者不瞋恚三者不邪疑此三事屬心業

道藏輯要

雲笈七籤

卷

川

井集二

右九行三業十事存念驚恐人思相干皆速思之危即安也

卧朝存思第十一

卧之為法勿正仰如尸當側傍檢體莫恣縱四肢不可高枕三寸許耳香藥為枕無用惡木冷潔穢臭衝犯泥丸雖行途權假常宜防之卧起呪願善念從心心存朝禮時不可闕闕礙公私後皆懺悔也

朝出戶存玉女第十二

玉女者是自然妙氣感應成形形質明淨清皎如玉隱如有潤顯又無邪學者存真階漸昇進進退在形出入在道道氣玄妙纖毫必應引以次從卑至尊故白日則玉女守宮夕夜則少